

# Malaysia — Korea setujui perjanjian ekonomi, teknikal

Oleh JAMALUDDIN ABU BAKAR

**KUALA LUMPUR, Rabu.**— Malaysia dan Republik Korea b e r s e t u j u mengadakan hubungan mantap dalam bidang ekonomi dan teknikal di samping kerjasama erat dalam forum antarabangsa.

Kedua negara b e r s e t u j u memperluaskan dan mempelbagaikan lagi perdagangan dua hala serta mempertingkatkan galakan projek-projek tokok tambah perindustrian demi memajukan rancangan perindustrian masing-masing.

Peretujuan tersebut terkandung dalam pernyataan bersama yang dikeluarkan oleh Perdana Menteri, Datuk Hussein Onn dan Presiden Republik Korea, Tun Chun Doo Hwan di akhir lawatan tiga hari Presiden itu ke sini hari ini.

Pernyataan setebal 10 muka tersebut meliputi semua aspek perbincangan kedua pemimpin dan usaha-usaha akan dijalankan untuk mempertingkatkan kerjasama ekonomi dan teknikal kedua negara di samping masalah dunia dan rantau ini keseluruhannya.

Dalam konteks kerjasama, kedua-dua pemimpin b e r s e t u j u diadakan kerjasama erat di bidang perikanan,

menggalakkan perjanjian di bidang itu.

Kerjasama perikanan termasuk mengadakan kajian bersama mengenai sumber-sumber ikan, latihan bagi kakitangan perikanan dan nelayan, menyediakan kepakaran dan pertukaran maklumat saintifik.

## Dagangan

Sebagai langkah menggalakkan pertumbuhan dagangan dan meningkatkan lagi kerjasama perindustrian, kedua pemimpin b e r s e t u j u Menteri Perdagangan dan Perindustrian kedua negara mengadakan rundingan dengan lebih kerap.

Pernyataan itu menyebut, Datuk Hussein berharap Republik Korea yang maju dalam bidang ekonomi dan teknologi dapat memberikan bantuan berupa pemindahan teknologi dalam projek-projek pembangunan tenaga, kemajuan sumber-sumber tenaga gantian dan projek binaan.

Bellau berharap Republik Korea dapat meluaskan kerjasama di bidang perusahaan berasaskan sumber serta sektor pembuatan dan pemerosesan.

Perdana Menteri menyatakan perasaan puashati dengan

penglibatan sektor swasta Korea dalam projek-projek pembangunan Malaysia khususnya bidang pembinaan.

Datuk Hussein mengajak rakyat Korea mengambil kesempatan bagi menubuhkan lebih banyak industri berasaskan sumber asli secara usahasama seperti memproses getah dan kayu demi kepentingan bersama.

Menurut pernyataan tersebut, Tun Chun menyatakan kesediaan Kerajaannya terus menggalakkan sektor swasta Korea dalam projek-projek swasta di negara ini.

Dalam hubungan ini, kedua pemimpin berpendapat jawatankuasa kerjasama ekonomi Malaysia — Korea boleh bertindak sebagai forum bagi menggalakkan penyertaan sektor swasta dalam usaha serupa itu.

Dalam konteks keselamatan di rantau ini, Pernyataan itu menyatakan kedua pemimpin telah mengkaji keadaan di rantau Asia dan Pasifik dengan penekanan khas terhadap Timur Laut dan Asia Tenggara.

Mereka berpendapat, keamanan dan keselamatan di kedua buah rantau ini saling berkait